

برنامج عملي في رجب وشعبان | #الطريق_إلى_رمضان | د .

حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله يا ربنا ويا مولانا وسعديك والخير كل الخير في يديك. والشر ليس اليك نحن بك واليك. نحن بك واليك نحن - 00:00:00

بك واليك تباركت وتعاليت. نستغفرك ونتوب اليك. اللهم صل على حبيب قلوبنا. وعلى طبيب قلوبنا وعلى شفيعنا يوم عليك. محمد صلى الله عليه وسلم في الاولين والآخرين. والملا الأعلى الى يوم الدين. اما بعد. تخيلوا يا اخواني في الله. تخيلوا لو في برنامج من برامج التوك شو الكبير - 00:00:30

المشهورة المعروفة جه بيتكلموا عن مرشح من اكبر المرشحين العلمانيين لرئاسة جمهورية مصر في الفترة القادمة. وهم بيتحاوروا مع واحد بخصوص المرشح ده فجأة الراجل ده قال والمرشح ده فلان ما له ومال السياسة. هو فلان ده يعرف ايه في السياسة؟ هو فلان ده يفهم ايه في السياسة - 00:00:50

تخيلوا الدنيا هتتقلب قد ايه! المزيجة والمزيجة بتوع برنامج التوك شو هيتقلبوا قد ايه! انصار هذا المرشح وكل الجرايد والبرامج هتتقلب قد ايه لمجرد انه قال على واحد مرشح للرئاسة هو ما له ومال السياسة. سبحان الله! فيه موقف من مواقف الهستيريا العلمانية اللي اصبحت هذه الايام - 00:01:10

تم موقفها كل يوم بل كل ساعة اللي اتكلمنا عنها المرة اللي فاتت في موقف من مواقفها يبجي في برنامج من برامج اعلام مصر المسلمة علماني وضيع يبجي وهو بيتكلم مع واحد من التيار الاسلامي يقول له وربنا ما له ومال السياسة. مش بيقول مرشح ده بيقول وربنا ما له ومال - 00:01:30

والمزيجة بتاعة البرنامج يقول لك كانها سمعت حاجة وفي مصر المسلمة تقال هذه الكلمة في الاعلام. في الاعلام جهارا امام الناس كلها ولا كأن شيه اتقال للاسف الشديد يعني لما دي تتقال على مرشح علماني الدنيا تتقلب. لما تقال على الله الملك خالق الكون - 00:01:50

ولا يحصل اي حاجة. قال تعالى ولئن سألتهم ليقولن انما كنا نخوض ونلعب. قل ابالله واياته ورسوله كنتم تستهزون. قال رسول الله صلى الله عليه وسلم ان العبد ليتكلم الكلمة لا يلقي لها بال ربنا ما له ومال السياسة وروح. وزمانه - 00:02:10

بياكل او يشرب او نائم لا يلقي لها بالا ربنا يتوب علينا جميعا. يلقي بها في النار سبعين خريفا ربنا يتوب على عصاة المسلمين جميعا في موقف ثاني من المواقف الهيستارية لسة يعني يعني لسة الان ست احزاب من الاحزاب الغير اسلامية تضامنت مع بعض وعملت حزب واحد ولما - 00:02:30

سئلوا طب هم بيعملوا التضامن بتاع ست احزاب اول مرة العلمانيين يتضامنوا مع بعض بالمنز ده. قال لك عشان نقدر نقف في وش الاسلاميين. يعني هي كده عشان نقدر نقف في وش الاسلاميين؟ قال تعالى الذين قال لهم الناس ان الناس قد جمعوا لكم فاخشوهم فزادهم ايمانا وقالوا - 00:02:50

الله ونعم الوكيل فانقلبوا بنعمة من الله وفضل لم يمسسهم سوء واتبعوا رضوان الله. قال تعالى فكيدوني جميعا ست احزاب خلوهم

ستميت حزب خلوهم الدنيا خلوهم الكل احزاب العلمانية على وجه الارض. فكيدوني جميعا - 00:03:10

ثم لا تنظرون اني توكلت على الله في موقف ثاني من المواقف الهستيرية اللي بقت متتابعة يا اخواني. هستيريا هيجن جنونهم. ما هماش عارفين يعملوا ايه في موقف ثاني يتحولوا فجأة من المدعاة للديمقراطية والمنادين بالديمقراطية الى اعداء الديموقراطية.

الى طلاب الديكتاتورية الى اعداء الشعب الى اعداء - 00:03:29

اعداء الانتخابات ويعملوا سورة يسموها سورة الغضب. طب غضب ليه؟ عايزين الحريات السياسية لأ ده عايزين يعدموا الحريات السياسية عايزين يلغوا رأي الشعب في وضع الدستور القادم. سبحان الله! يعني كأني بالعلمانيين الوقتي بيقولوا اقتلوا الاسلاميين او

اطرحوهم ارضا - 00:03:49

يخلو لكم وجه الشعب المصري وتكونوا من بعدهم قوما ديمقراطيين. ونسيوا ان الله غالب على امره. ولكن العلمانيين لا يعلمون يعني

بشرى لكل يعني من يعني ينافح عن العلمانية ويحارب شرع الله سبحانه وتعالى. الاسلام اللي اكتسح العلمانية - 00:04:09

في الثمانينيات اللي كان ايامها فاك. الاسلام اللي اكتسح الشيوعية في السبعينات. الاسلام اللي اكتسح الليبرالية في الاربعينيات لحد ما لقوش حل غير انهم يقتلوا حسن البنا. ايامها الاسلام اللي اكتسح النصرانية المحرفة. وجميع فلسفات شمال افريقيا والعراق والشام

- 00:04:29

واكتسح كل كل فكر منحرف في هذه البقعة الرهيبة في نصف العالم او في سلس العالم الاسلام عمره ما انهزم في معركة فكرية ابدًا

لو انتم فاكيرين انكم هتغلبوا دين ربنا يبقى انتم في هستيريا من الهستيريات بتاعتكم. قال تعالى ان في صدورهم الا كبر ما هم

ببالغين - 00:04:49

هيستريا الجديدة احنا النخبة احنا النخبة بيّفكرونى لما كنا يجيبوا لنا حالات في في المستشفى حد عنده شيزوفرينيا يقول لك

انا المهدي انا المهدي خلاص هو اختل ومعتقد ان هو كده. احنا النخبة مين اللي نخبتكم ان شاء الله؟ فكروني - 00:05:09

يعني كان زمان فيه قصة كده عن جحا انه حب يبيع الباب بتاع بيته. فحط فيه اتنين كيلو كباب جواه وقعد يقنع الناس. يقول لهم لو

قلتم للباب ده يا باب هات كباب الباب يجيب - 00:05:25

الشباب على طول والباب يطلع الكباب اللي جوة حطوا فيه. فلما واحد اشتراه بمبلغ ضخم جدا فقعد يقول يا بابا هات كباب يا بابا

هات كباب. ما فيش الباب ما بيحبيش كباب - 00:05:35

هي نفس القصة. هم قاعدين جايين لنا حلول مستوردة من الغرب. يا علمانية هاتي كباب. يا الليبرالية هاتي كباب. والله لو قعدوا

ميت سنة. لو الليبرالية حكمت مصر ثلاثة وتلاتين سنة قبل كده وفشلت. لو قعدت تلتمية وتلاتين سنة عمرها ما هتجيب كباب. مش

هيجيبوا غير الفقر والههم للمجتمع. المصري احنا النخبة ان في - 00:05:45

الا كبر ما هم بباليه. يعني ايه ما هم بباليه؟ ربنا بيقول لكم يا علمانيين مش هتوصلوا. والله ما هتوصلوا. والله ما انتم هتبلغوا

حاجة من احلامكم اللي قاعدين تخططوا لها وامريكا قاعدة تخطط لها من هناك وتلقي لكم التخطيطات بتاعتها. ولا من في صدورهم

الا كبرت. بطلوا كبر. حرام ده احنا شايفين - 00:06:05

ايه اللي بيحصل في ليبيا وفي اليمن وفي سوريا كان ضافر واحد من ضوافر رئيس النظام السابق. لو ربنا كان سلطه علينا شوفوا

كان حصل لنا ايه. مين اللي وحفزنا ورفعنا في الدنيا كلها. وحملنا السورة واسقط النزام غير ربنا. جايين النهاردة نقول ربنا ما لوش

في السياسة. قال تعالى ام لهم - 00:06:25

شرعوا لهم من الدين ما لم يأذن به الله؟ ام لهم شركاء؟ شرعوا لهم من الدين ما لم يأذن به الله. سبحان الله رئيس الجمهورية السابق

قعد تلاتين سنة رئيس دولة. وقبلها حوالي عشرين سنة رئيس القوات الجوية ورئيس المدرسة الجوية - 00:06:45

خمسين سنة ملك. خمسين سنة لو دخل طرة النهاردة ليلة واحدة. وسئل بعد غمسة واحدة في طرة يا رئيس الجمهورية. يا ملك

خمسين سنة هل ذقت ملكا قط؟ هيقول لا والله يا شعب مصر. النبي قالها لنا ان اشد الناس نعما يوم القيامة لو غمس غمسة في

عذاب الله يوم القيامة - 00:07:04

وقيل له ان فقت ناعما قط لقال لا والله يا رب. انتم مش خايفين من ربنا! انتم ربنا وراكم اية قدام عينيكم! مش خايفين! يا من يا من حكم الجاهلية ييغون عايزينا نمشي ورا مين ورا فرنسا اللي حرمت الحجاب ان بنت عندها خمستاشر سنة تدخل مدرسة سنة وبحجاب حرمته - [00:07:24](#)

ده غير انها حرمت النقاب قانونا في الشارع ده موضوع ثاني. الشرب على الراس محرم انه يتدخل به مدرسة في فرنسا. عشان لما قلت قبل كده ان الليبرالية هيخلوا النساء يخلعوا الحجاب فقالوا ايه ده انا مش عارف الليبرالية خالص. لا يا حبيبي الكلام اللي على الورق ما انتم خالفتكم كل الكلام اللي على الورق. انا باتكلم على الكلام العملي. فرنسا اهي. فرنسا الكعبة - [00:07:44](#)

بتاعة الليبرالية في الارض اهي مانعة الحجاب مانعة الحجاب من المدارس بتعات على بنت عندها اربعتاشر سنة او تلتاشر او تلتاشر سنة سبحان الله العظيم! انتم عايزين ايه! عايزين نبقي زي امريكا! عايزين نبقي زي امريكا اللي العلاقات بين الجنسين هناك تيك اواي! واللي الاجهاض ببدا من سن اربعتاشر سنة! البنات تروح تجهض نفسها - [00:08:04](#)

واللي السروة مركزة في قلة من الشعب كله عايزين نبقي زي امريكا اللي اكبر نسبة بلطجة وجريمة في العالم كله. عايزين نبقي زي السويد اللي اكبر نسبة انتحار في العالم - [00:08:23](#)

عايزين نبقي زي فرنسا اللي باسم الليبرالية والتحررية مانعة الحجاب ومحاربة دين ربنا عايزاني ابقي زي مين ؟ عايزينا ما فيش اي سياسة غير الاسلام نجحت على وجه الارض يا اخوانا عبر التاريخ والان ولا السياسة. ولا مذهب سياسي الا فشل فشل زريع. مريع لا يوجد الا نزام واحد نجح - [00:08:33](#)

في تاريخ البشرية كله هو الاسلام هو دين ربنا سبحانه وتعالى عايزين توصلونا لفين ؟ يا اخوانا عايزين نستيقظ العلمانيين مرعوبين ليه ؟ الهستيريا بدأت تزيد الايام دي ليه ؟ عارفين ليه يا جماعة ؟ عارفين العلمانيين مرعوبين ليه ؟ عارفين السبب الحقيقي سبحان الله العظيم. لما طلبوا تأجيل الانتخابات اول مرة من كذا شهر - [00:08:53](#)

وفعلا تأجلت او يعني من اسابيع طويلة وفعلا تأجلت. قلت سبحان الله! ده الانتخابات بعد عشر تيام من رمضان. يوم اتناشر تسعة. يا الهي! هو ده اللي راعبهم فاهمين ان رمضان اقوى من العلمانيين هيعملوا ايه في رمضان. ما فيش حاجة هتقدر تقاوم قوة ايقاف رمضان للامة. بعدها الامة هتخرج بعد اليقظة الرمضانية - [00:09:13](#)

تختار اما الاسلام واما العلمانية. الامة يا ترى هتختار ايه يا جماعة ؟ سبحان الله! عشان كده هم مرعوبين. مرعوبين اللي لو عايزين تعرفوا العلمانيين مرعوبين ليه وعايزين تعرفوا الهستيريا اللي هم فيها ده فقدوا عقولهم. والله انا يعني كنت باتكلم مع الشيخ مسعد انور في حاجة كنت عايز اعلق عليها. كاريكاتير معين قال لي - [00:09:33](#)

بلاش يعني خدت بنصيحتي وبلاش. انا حاسس ان خلاص فقدوا عقولهم. ما عادوش عارفين يعملوا ايه. ما عادش عندهم سيطرة على الفاظهم ولا على كلماتهم. حرب راح لدين الله سبحانه وتعالى. كل ده ليه ؟ اقروا الاية دي معي وانتم تعرفوا كل ده ليه ؟ قال تعالى - [00:09:53](#)

شهر رمضان الذي انزل فيه القرآن هدى للناس وبينات من الهدى والفرقان يعني ايه استنى استنى شهر ده رمضان ده شهر يا جماعة رمضان ده مش خطبة ولا درس في قناة فضائية اسلامية الناس هتسمعها واللي وتدخل من هنا وتطلع من هنا ده رمضان ده شهر. شهر فرصة للتغيير يعني فرصة ان الامة كلها تتغير في - [00:10:10](#)

كلية الشرطة يجيبوا الطلبة الاول يحطوهم في معسكر خمسة واربعين يوم. ليه ؟ يقول لك لازم يتعودوا على نزام جديد قبل ما يدخلوا الكلية عشان يقدرنا يتحملوا الجديدة. اهو بالزبط كده رمضان ده نقلة للامة كلها. برامج التوك شو مش هتتعرف تعمل فيه حاجة. الهوس الاعلامي اللي بيعملوه يلها الناس عن الدين. باخبار سياسية - [00:10:30](#)

يا مفتاح على مش هتقدر تعمل حاجة. شهر ده شهر كامل يعني الام ممكن تتغير. رمضان من الرمد اللي هو الحرق والكوي. هيكوي الشهوات اللي في القلوب. هيكوي الامراض اللي في القلوب يعني ايه ؟ يعني قلوب المسلمين هتنصف فيه. يعني ايه ؟ يعني هيعرفوا يتحكموا في الناس بايه ؟ هيعرفوا يبعثوا الناس عن الدين بايه ؟ الذي انزل فيه القرآن - [00:10:50](#)

القرآن ده البداية. القرآن ده بداية كل فتح في الامة يعني رمضان ده كان البداية. يعني يا اخوانا رمضان ده كان بداية كل حاجة بيصرفوا الوقت مليارات عشان ضيعوها في الامة. كان بداية الخلافة اللي حكمت نص الارض. كان بداية الحضارة الاسلامية اللي عمري ما حضارها في التاريخ حصلت زيتها. كان بداية التربية - 00:11:10

الصحابة مصعب وسلمان وعمار كان بداية الفتوحات كانت بداية الغزوات. ويعني رمضان ممكن يبقى بداية تانية للامة. عشان كده مرعوبين يا اخوانا هدى للناس يعني ايه هدى؟ يعني جاي ينور للامة طريقها. جاي يعرفك على فين يا مصر؟ جاي يقول على فين يا امة الاسلام؟ على فين يا امة محمد؟ جاية - 00:11:30

طريقنا تاني. جاي يعرفنا الطريق السليم تاني. جاي ينور لنا تاني. وبينات من الهدى والفرقان. الفرقان. يعني هيبجي يعرف الامة الفرق بين الحق والباطل هيجي يعرف الامة الفرق بين النور والظلمة. هيجي يوقظ الانوار في الامة تاني. فمن شهد منكم الشهر فليصمه. فمن - 00:11:51

شهد شهد يعني رمضان مشاهد مشاهد بتتحفر في القلب. رمضان هيغير القلوب. رمضان مش مجرد شهر بيتعبد فيه وخلص ده القلوب هتتغير. ودي اكبر مصيبة هم بيطلبوها. عمركم شفتم برنامج تكشوم البرامج المشهورة. عامل حملة على المواقع الجنسية رغم انها مدمرة شباب الامة. انما لأ - 00:12:11

الشباب لو فاقم هم هيضيعوا هم خلاص مش هيبقى لهم مكان. هم مصلحتهم انهم يخذروا الشباب يا جماعة. فمن شهد منكم الشهر ومن كان مريضا او على سفر فعدة من ايام اخر اسمعي بقى يريد الله بكم اليسر ولا يريد بكم - 00:12:31

عسر بكم دية الباء دي باقي الملبسة. يعني ربنا يريد ان اليسر يبقى في كل حاجة في حياتنا. ولا يريد بكم العسر لو انتم اخترتم غير طريق ربنا وطريق ربنا. العسر هيبقى ملابس لنا في كل حاجة. الجواز بقى صعب. الرزق الحلال بقى صعب. لقمة العيش بقت صعبة. علاج الامراض بقى صعب - 00:12:51

الالتزام ان شاب يلتزم بقى صعب يا اخوانا. يعني كل حاجة هتبقى صعبة وعسر لو بعدنا عن ربنا. يريد الله بكم اليسر ولا يريد بكم والعسر وتكملوا العدة وتكبروا الله. الله! ده التكبير ده بيتقال لما بنتصر في معركة. ما هو رمضان معركة بينا وبين الباطل. رمضان معركة بينا وبين ابليس - 00:13:11

رمضان معركة بينا وبين الضلال وتكبروا الله على ما هداكم ولعلكم تشكرون. واذا سألك عبادي عني فاني قريب يعني رمضان جاي يوصل الامة بربنا تاني رمضان جاي يوصل قلوب الامة بربنا تاني. عشان كده هم كارهين رمضان. يا اخوانا الامل الوحيد للامة في التغيير متوقف - 00:13:31

على التغيير الداخلي على التغيير الداخلي والتغيير الداخلي ده ان الله لا يغير ما بقوم حتى يغيروا ما بانفسهم. ورمضان ده وزيفته عشان كده رمضان ده طوق نجال امة عشان كده لازم نهتم برمضان ده بقى. ما دام الموضوع كده وما دام مع اقتراب رمضان الهستيريا بتاعتهم بتزيد يا عيني. وبتولع على اخرها. يبقى - 00:13:55

ده الهدف بتاعنا السنة دي بقى. يبقى رمضان ده الهدف بتاعنا السنة دي. عشان كده هنبداً من اول الوقتي بازن الله سلسلة جديدة. السلسلة دي هنسميها الطريق الى رمضان الطريق الى رمضان. هنقعد في رجب وشعبان. نتكلم ازاى نوصل لرمضان صح. ازاى نعيش رمضان صح. القضية كبيرة يا اخوانا. القضية كبيرة جدا - 00:14:15

يعني ايه واحد هيبجي يقول لي يا راجل! يا راجل! انت جاي دلوقتى تقول رمضان! ده احنا لسة في اول رجب! طب تعال يوم تسعة وعشرين شعبان ولا تسعة وعشرين - 00:14:35

ونص شعبان انما جاي دلوقتى في اول رجب. يا اخوانا لو واحد تمانية ما كانش رمضان لو واحد تمانية كان كاس العالم ومصر فيه. كنا استعدادنا قد ايه؟ يا جماعة في - 00:14:45

الساوية العامة لان الطلبة عرفت ان نص درجة تفرق في مستقبل الطالب. تفرق في مستقبله طول حياته. شوفوا الطلبة استعدادوا لها استعداد شكله ايه اهو لو نعرف كل حسنة من رمضان هتفرق في حياتنا قد ايه. كل نور من انوار رمضان ممكن يفرق في حياة الام قد

ايه. هنعرف خطورة رمضان يا اخواننا - 00:14:55

هنعرف مدى خطورة الشهر ده الغريق لما يبجي يغرق بيقول لك ان الضربات اللي بيضرها بايده وهو بيحاول ينجو بيقول لك دي اقوى ضربات بيضرها في حياته. بتبقى اقوى الضربة منها من اقوى - 00:15:15

ممکن يضرها في صحته ستة وتلاتين ضعف. ليه ؟ بيموت خلاص غريق. الشيطان في رجب وشعبان كده خلاص هيتسلسل. فالضربة من عشان كده رجب وشعبان ده معركة ضخمة. معركة ضخمة رجب وشعبان الشيطان بيبدأ فيهم المعركة من اجل تضییعنا في

رمضان. يبدأ فيهم يورطك في - 00:15:28

يورطك في مشكلة. يورطك في ازمة ما تفوقش منها غير بعد رمضان. يا اخوانا مرة واحدة في حياتنا نستعد لابليس قبل ما يستعد لنا. مرة واحدة في نبدأ الاستعداد للفوز بـرمضان قبل ما هو يبدأ الاستعداد لتضييعه علينا. مرة واحدة في حياتنا نبدأ يا اخواننا ان

احنا نستعد ان احنا - 00:15:48

ناخد بتارنا من ابليس في رمضان يعني درس الليلة درس الليلة مش عن رمضان. درس الليلة عن خطورة عن خطورة عن خطورة الاستعداد في رجب وشعبان الليلة اساسا عن رجب وشعبان. درس الليلة يا اخوانا فكرة لو اتزرعت جوانا صدقوني هتغير فينا كتير

اوي. وهتغير في الامة كتير اوي. فكرة خطيرة - 00:16:08

في غاية الاهمية الواحد ما فهمش يعني ايه رمضان غير لما فهم الفكرة داهيت قضية في غاية الخطورة. قضية الاستعداد لرمضان.

قضية ان واحد رجب خلاص كأن صدمة كهربائية في الامة كلها. بدأ فعليا الاستعداد الفعلي - 00:16:31

لمعسكرات رمضان. يعني الخساير خسورنا قد ايه ؟ خسورنا قد ايه بسبب عدم الاستعداد لرمضان ؟ لانه النبي عليه الصلاة والسلام

يقول ما من ساعة ما من ساعة تمر بابن ادم لا يذكر الله تعالى فيها الا حسر عليها يوم القيامة. لا حول ولا قوة - 00:16:47

الا بالله. يا رب هندم على الساعة هتندم على الساعة اللي راحت في غير طاقتك يا رب. امال هندم على رمضان اللي ضاع قد ايه ؟

طب ضيعنا كم رمضان ؟ ضيعنا كم رمضان ؟ خسورنا قد ايه بسبب عدم الاستعداد قبل - 00:17:07

كل سنة ناخذ فترات من مائدة رمضان. كل سنة نرضى بلقمتين من المائدة الرمضانية. كل سنة ندخل رمضان صدمات اول رمضان.

ولانك مش مستعد اصلا ما انتش مستعد الصدمات اول رمضان. ايه صدمات اول رمضان ؟ ييجوا فجأة يكلمونا. رمضان دخل الحمد

لله. احنا فرحانين. تيجي تقرا القرآن قلبك صلب مش بيحسش - 00:17:20

تيجي تصلي في التراويح ما فيش خشوع. تيجي تفطر قاعد تاكل كانك عمرك ما كلت قبل كده تتقل ما تعرفش تعمل حاجة طول الليل. صدمات اول رمضان صدمات كل لو ركزت في النهار في العبادة الليل يضيع عليك. لو ركزت في القيام ثاني يوم الصلوات بتاعة

النهارده بتضيع عليك. صدمات اخر رمضان اول ما يبدأ قلبك - 00:17:40

اول ما تبدأ عينك تنزل منها الدموع اول ما تبدأ تحس بعظمة ربنا. اول ما تبدأ ترتبط بالقرآن يكون هلال شوال على الابواب ويضيع

رمضان صدمات بعد رمضان. انا في رمضان قمت وصمت من اول يوم العيد. تلاقي كل ده راح. طب ليه ؟ او اول اسبوع ليه ؟ لانه

وضع - 00:18:00

عارض ما كنتش مأسس له من قبل كده. لانك عامل زي اللي بنى عمارة من غير اساس. يا اخوانا رمي الاساس في رجب وشعبان.

رمضان تعلق عمارة زي ما انت عايز تبقى عليتها على اساس. تخرج من رمضان عمارتك صلبة مش هتقع. انما رمضان بنات عمارة ما

لهاش اساس اصلا. قيام على لا شيء - 00:18:20

في قيام قبل كده صيام على لا شيء. ما كانش فيه صيام قبل كده. العمارة دي مع اول انشغالات دنيوية هتقع. يا اخوانا لازم نرمي الاساس في رجب وشعبان نعلي البيت بتاعنا في رمضان بازن الله سبحانه وتعالى صدمات. انا فاكر زمان كان الواحد يستقبل رمضان.

بيكي ليه ؟ عامل زي الطالب اللي نايم صحي على الامتحان - 00:18:40

طب انا ادخل الامتحان اعمل ايه ؟ طب هجاوب في ايه اصلا ؟ ده انا ما استعدتش. ورمضان معدي الواحد بيكي ليه ؟ رمضان خلص

وانا ما اتغيرتش. عمر ما واحد قدر يستفيد من رمضان الا لما فعلا يعني ربنا بصرني بفضل الله سبحانه وتعالى بمبدأ الاستعداد

لرمضان. الاستعداد لرمضان - 00:19:00

يعني ايه انك تستعد؟ لما الواحد بدأ يستعد ايوه لأ تبقى عامل زي اللي سخن وبعد كده نزل الملعب ده وضع ثاني خالص. انما احنا دلوقتي عاملين بالزبط زي اللي اللي - 00:19:20

ما ببشيلش اكتر من عشرة كيلو. وداخل مسابقة بعد شهرين حمل متين وخمسين كيلو اثقال. يقول لك انا عارف انا ان شاء الله بس اما يتحط قدامي هسيلهم يا ابني ازاي - 00:19:30

يا ابني انت بتضحك على نفسك. اللي ما هوش قادر الوقتي وما هيش قادرة الوقتي تقرأ نص ساعة قرآن. هتقعد ثلاثين يوم تقرأ قرآن ازاي؟ يا جماعة نفوق يا اخوانا. نبقي صادقين - 00:19:40

انفسنا عاملين زي لعب ما بيقدرش يجيب ربع ساعة في الملعب. ويقول لك ان شاء الله هجيب الساعة ونص لما انزل مباراة الكاس. هتجيبها ازاي؟ ما انا اول ما اشوف المتفرجين بقى والناس - 00:19:50

هتسخن فين يا ابني مش من السخونية ما هياش بالحماس يا اخوانا يا جماعة انا عايز اقول لكم ان اكبر سبب لتضييع رمضان هو عدم الاستعداد. يعني عايز اقول ايه؟ عايز اقول ان لازم نفهم يعني ايه رمضان؟ رمضان من اجمل - 00:20:00

ما قرأت رمضان ليس عصا سحرية. رمضان ليس عصا سحرية اول ما هيجي القلب اللي كان قاسي طول السنة هيرق مين اللي ما نزلش منها ده معها والقرآن اللي ما كنتش بتحس به فجأة هتعيط منه يا اخوانا ده تصور يا اخوانا ده مش تصور حقيقي رمضان اوعى تفتكر - 00:20:15

ان القلب اللي انت داخل به رمضان ده بزئوب حذاشر شهر. وغفلة حذاشر شهر. وكسل حذاشر شهر ومعاصي ونكت سودا على القلب من حذاشر شهر. اوعى تفتكر هتدخل رمضان بده بقى هتحدد الحسنات حصدا وتحدد النياشين التعبدية حصدا. يا جماعة لازم يبقى عندنا تصور واقعي اكتر من كده - 00:20:35

رجب وشعبان ده درس النهاردة رجب وشعبان ايه رجب وشعبان الكلمة اللي هي المحور الاساسي بتاع الدرس بتاع الليلة والمحور بتاع الورقة اللي هنتكلم معنا في الاخر بازن الله ننقل لنا - 00:20:55

نفسى انها توصل لايد كل انسان. توصل لايد كل واحد وواحدة في الامة كلها بازن الله سبحانه وتعالى. لان الورقة دي اللي هي برنامج عملت رجب وشعبان ديت في غاية الخطورة ان الامة تنتبه يعني ايه رجب وشعبان. اسمعوا الكلمة دي بتاعة بتاعة احد السلف كلمة دهب دهب. قال يعني ذلك العالم - 00:21:08

العالم رجب اسمع رجب شهر البذر كأنك بترمي بزور في الارض كده بس وشعبان شهر السقيا. انت بقى بتروي البزور دي ورمضان شهر الحصاد يا اخوانا رمضان مش شهر المجاهدة. احنا كل سنة ييجي رمضان نقعد نجاهد اسبوع ونفطر اسبوع ونحاول رمضان بيضيع يا اخوانا في المجاهدة رمضان شهر حصاد - 00:21:28

مش شهر لسة هتزرع. اللي عايز يجني رمضان لازم يزرع من رجب وشعبان يعني ايه؟ يعني كل ما تريد ان تحصده في رمضان يجب ان تزرعه في رجب وشعبان. ثاني رجب شهر البذر تبزر بقى آيات القرآن في قلبك وبداية العبادات. وشعبان - 00:21:54

سقيا تبدأ بقى ترويه اكتر فيبدأ قلبك يبقى جنة. على رمضان ورمضان شهر الحصاد بقى. تجني السمار في رمضان. عايزين نستوعب عايزين نزل ويندوز جديد لرجب وشعبان. عايزين نعيد تعريف يعني ايه رجب وشعبان؟ يا جماعة ده يعني حتى اهل الكورة عارفينها يقول لك معسكر ما قبل المباراة يعني ايه - 00:22:14

المعسكر ده يعني جيش ده كلمة جيش اصلا. يعني جهاد. يعني عرفوا ان الجهاد مش الماتش الماتش ده محصلة الجهاد بتاع الاستعداد. الجهاد هو الاستعداد. اللي عايزة تفوز برمضان. اللي عايز يفوز برمضان. انا مش عايزك تزعل. انا مش عايزك تزعلي لما بتشوفي - 00:22:34

صحباتك وغيرك بيختموا كل ثلاث اربع تيام مرة القرآن. انا مش عايزك تزعل لما تلاقي اللي على يمينك ولا على شمالك بيعيطوا في رمضان وقلوبهم رقيقة لانهم صوامين القوامين اصلا وانت قلبك جامد. انا مش عايزك تزعل يوم القيامة لما تلاقي اللي فازوا في

رمضان داخليين من جنة الريان وممنوع ممنوع حد ثاني يدخل - 00:22:50

معهم غير اللي اجتهد في رمضان. انا مش عايزك تبقى رجب وشعبان بالنسبة لنا احلام يقظة يا جماعة. ايوه بس لما يبجي رمضان يا سلام ده انا هاقطع سجاجيد الصلاة - 00:23:10

يا اخوانا الكلام ده وهم يا اخواننا يا اخوانا ينفع اجي لطالب في السانوية العامة امتحان واحد تمانية. اقول له استعد تسعة وعشرين سبعة! ده كلام! اشمعنى في الدنيا! فاهمين الموضوع ده كويس جدا. وعارفين الموضوع ده كويس - 00:23:20

اشمعنى انما في الاخرة مش كده؟ زي ما قلت لكم اللي بيعدي من البي ام كفاءة سبعة جنب اللي راكب الهامر يبص له كده اه هي دي الناس اللي عايشة - 00:23:32

هي دي الناس اللي عايشة في الدنيا. انما في الدين في الدين راضيين باقل اقل من القليل كمان. يا جماعة فكرتنا عن رجب وشعبان يجب ان تتغير. دي البزر الحقيقي لو انت عايز تجني نياشين رمضان الهائلة وسوابات رمضان الهائلة. انما عايز تضيع رمضان انت حر

بقي. يبقى انت فاهم من كويس جدا - 00:23:42

اكبر سبب لضياح رمضان اصل رمضان ده اخطر مما نتخيل. ده ربنا سماه اياما معدودات. يعني ايه؟ زي المباراة دقائق معدودات. هي دقيقة. الجون يبجي في نص دقيقة رمضان الليلة اللي تضيع منه بدعوة مستجابة راحت. دي فرصة للفردوس الاعلى راحت. دي

فرصة للعتق من النار راحت. رمضان غالي. لازم تكون متدرب - 00:24:02

قبلها كويس جدا سيدنا انس لما بيقول واهن لريح الجنة اني لاجد ريح الجنة دون احد. انا باقول لكم واهن لريح الجنة. اني لاجد ريح الجنة دون رجب وشعبان دون رجب وشعبان. يا جماعة مرة نتصر على ابليس. مرة نستعد له قبل ما يستعد لنا. ابليس هيبدا المعركة اهي. معركة تضيع - 00:24:22

رمضان علينا من دلوقتي يا اخوانا انا عايزكم تتخلوا منر استوديوهات مدينة الانتاج اللي يتمسل التمسيلات في رجب وشعبان شكلها ايه؟ يا نهار ابيض! نار زي النحلة ليه! طب احنا يعني هم عارفين قيمة رمضان واحنا مش عارفين قيمة رمضان! بالنسبة لنا -

00:24:42

رمضان بالنسبة لنا جنة. فردوس اعلى الفردوس اعلى بازن الله سبحانه وتعالى. منر السفن اللي جاية من الصين الوقتي على مصر بتشحن عدد الشيعة وعدد القهاوي عشان الخيمة الرمضانية في رمضان نشاطها شكله ايه في رجب وشعبان. احنا الوقتي اللي مش

نشاط في رجب وشعبان - 00:24:58

عايزين ننشط يا جماعة عايزين نعرف يعني ايه ان احنا لازم نرمي الاساس في رجب وشعبان عشان نعلي العمارة في رمضان عشان بعد رمضان بازن الله سبحانه وتعالى خلاص العمارة بقت سابتة. غير ما ناخدش صدمات يوم القيامة. ما ناخدش صدمات يوم

القيامة. لما نلاقي سواب رمضان. الخطير راح منا واحنا - 00:25:17

يعني للأسف الشديد ما قدرناش نعرف رمضان ده كان خطورته قد ايه؟ يعني انا عايزك تعرف سواب العبادة في رجب وشعبان اصلا. يا جماعة لما النبي عليه الصلاة والسلام بنتكلم عن شعبان قال لك ايه؟ قال لك ذاك شهر يغفل عنه الناس. ما حدش داري بالمواسم دي.

المواسم دي الناس مش داريانها - 00:25:37

يغفل عنه الناس بين رجب ورمضان. يعني النبي يقول لك رجب رجب الناس عارفة فضله. طبعا ما لناش دعوة بالبدع اللي بتتعمل فيه. ورمضان الناس عارفة فضله وشعبان بيضيع بقى في النص. فالنبي عليه الصلاة والسلام لما قال لك يغفل عنه الناس يعني ايه؟

اللي بيعبد ربنا في المواسم دي بقى اللي ما حدش واخذ باله منها. سوابه بيبقى مضاعف اكثر. ليه؟ لان - 00:25:55

كل الناس في وادي وهو في وادي زي حديس النبي عليه الصلاة والسلام ثلاثة يحبهم الله. ثلاثة يحبهم الله. واحد منهم ايه؟ ورجل

كان في سرية. طالع يجاهد في سبيل الله. فلقى العدو - 00:26:15

فهزموا اهزموا. لما قابلوا العدو اهزموا واقبل بصدرة اقبل بصدرة في الجهاد دخل يجاهد لوحده. لوحده اما يقتل واما يفتح له. طب

اشمعنى ده ربنا حبه؟ لان كل الناس فكرت في نفسها. وهو فكر في صلاة - 00:26:28

ربنا وعلاقته بربنا وفي دين ربنا سبحانه وتعالى. مين الوقتي في رجب وشعبان اللي هيفكر بالطريقة ديت يا جماعة. يا اخوانا رمضان ده امتحان. عارفين بيعمل مسلسل لرمضان عارف ان التلاتين حلقة تلاتين امتحان. قاعد هيتجنن في الاستعداد. اشمعنى احنا مش كده! زي طالب السانوية العامة اللي عارف ان نص درجة - [00:26:43](#)

تجيبوا كلية اللي نفسه فيها ونص درجة تخليه يسافر برة مصر اصلا يدور على كلية يدخل فيها برة مصر يا جماعة عايزين نستعد لرمضان زي بتاع كاس العالم كده وهو بيستعد لكاس العالم. عايزين استعداد حقيقي ليه؟ لان رمضان امتحان. والامتحان بعده تقدير وبعده - [00:27:03](#)

وجوايز رمضان بعده استعمال بعده جوائز. بعده عطاءات من ربنا. رمضان حسب تصورنا عن رمضان. على حسب فهمنا يعني ايه استعداد. ما هو الوقت اللي برمضان ده حاجة كده ايه فرحة الحمد لله بقى هو مش عارف يعني ايه رمضان اصلا! عشان كده اللي باقوله لك وبقوله لك الوقتي ان عمرنا ما هنعرف يعني ايه استعداد - [00:27:20](#)

رمضان الا لو عرفنا ايه خطورة رمضان زي الواحد لما كان يروح عمرة يروح العمرة بقى فنقعد نستعد ونجيب شرايط العمرة وكتب العمرة وايات العمرة ونذاكر عمرة ده احنا رايعين فرصة عمر رايعين عايزين نعمل عمرة لقلوبنا ونغير حياتنا ودعوات عند الحرم تروح هناك تلاقي واحد جايب مراته وجايبين - [00:27:40](#)

وجايبين العيال وقاعدين سهرانين من العشاء للفجر في الحرم جايبين قاعدين ياكلوا وقاعدين يشربوا شاي ايه يا اخوانا ده! هو هو ده لو انا جيت اقول له استعد للعمرة هيقول لي - [00:28:00](#)

يعني ايه استعد للعمرة؟ هو ما هوش عارف يعني ايه عمرة اصلا. هي العمرة بالنسبة له ان انا رايع اشم هوا جنب الكعبة. واعمل شوبينج من مولات الحرم وفي الاخر اعمل خناقة في المطار وانا - [00:28:10](#)

اروح بلدي عشان البضائع اللي انا جبتها اتقل من الميزان بتاع الطائرة. هو دا رمضان بالنسبة له. هو دا العمرة بالنسبة له. لو رمضان بالنسبة لك كدا مش هتعرف يعني ايه - [00:28:20](#)

انما لو رمضان بالنسبة لك انت عارف انه اكبر نقلة في حياتك. اكبر موسم تغيير للامة وبالزات رمضان ده هو. رمضان ده هو بعده مصر هتختار اختيار هيحدد الدستور بتاعها بازن الله. مصر هتختار اختيار يا هيزق البلد دي ان شاء الله للفردوس الاعلى يا اما هيرجعنا وهينكسنا ثاني - [00:28:30](#)

عشان كده رمضان ده خطير. عشان كده الواحد يتمنى ان الدعاة في رمضان دهو يعني ما نسافرش عمرات يا اخوانا في رمضان ده. النبي ياما ياما حرم نفسه من عليه الصلاة والسلام - [00:28:50](#)

ياما جه على نفسه اقصد في عدم الزهاب للكعبة وكان يقدر يحج كل سنة بعد فتحها. وكان يقدر يعتمر كل شهرين بعد فتحات. ولكن النبي عليه الصلاة والسلام ده مهم الدعوة. مهم - [00:29:02](#)

دلوقتى الام محتاجانا الوقتي. لو هتسافر عمرة اسافر لك كذا يوم بسرعة وترجع. لله لوجه الله. استئنا برسول الله صلى الله عليه وسلم رمضان يا جماعة. رمضان ده قطر هيجي اللي واقف وجاهز هو اللي هيركب. اللي مش واقف هيروح عليه. رمضان ده يعني الواحد ساعات بيحس ان اتنين كده دخلوا - [00:29:12](#)

ورمضان واحد رمضان بالنسبة له زي اسانسير قاعد يطلع يطلع ثلاثين يوم قاعد يطلع في المدايح الى الله. وواحد ثاني يا عيني عامل زي عنده تعبان وقاعد سلمة سلمة طالع عينيه. ده اللي استعداد وده اللي ما استعدادش. ده انطلاق اللي استعداد وده معاناة اللي ما استعدادش في رمضان. ازاي يعني - [00:29:32](#)

يعني تلاقي ده قلبه بيلقط اول ما الامام يقول الحمد لله رب العالمين. يبدأ يبكي. وده التراويح تخلص وهو سرحان ما هوش داري. وقاعد يا عيني طول ما هو سرحان طول الصلاة. استغفر الله - [00:29:52](#)

اعوذ بالله من الشيطان الرجيم وبعد كده يسرح ثاني. اعوذ بالله من الشيطان الرجيم قاعد يا عيني وش اللي على شماله اتبهدل. من كتر ما قعد يستعيز بالله الشيطان الرجيم. وده مش التفل على السنة اصلا هو تعبان ما هوش عارف يعمل ايه - [00:30:02](#)

واحد كان على باب الجنة اول ما ابواب الجنة اتفتحت في رمضان دخل وعاش رمضان في الجنة. وواحد ما يعرفش حاجة عن الكلام ده اصلا. لان هو اصلا بينه وبين الباب الجنة - [00:30:16](#)

حواجز قعد في رمضان يجري عشان يعديها. عم جيل نهاية رمضان كان خلاص رمضان خلص. وهو ما لحقش يوصل لباب الجنة. يا دوبك شم ريحة الجنة كده وخلاص اختصاص رمضان يا اخوانا رمضان ده طوق نجا. لكل اخت بدأ التزامها يقل. كل اخ بدأ قلبه يتغير. لكل واحد فتن بالدنيا. لكل شاب عايز يقرب - [00:30:26](#)

من ربنا لكل بنت نفسها ربنا يرضى عنها. رمضان ده طوق نجا. اخيرا هنلاقي صحبة تساعدنا في الطاعة. اخيرا هنلاقي جو طاهر ونوراني نعبد ربنا فيه اخيرا هنلاقي موسم حسنات مضاعفة اخيرا يا اخوانا. اخيرا ما ينفعش نضيع الفرصة دي ابدأ. ابدأ طوق النجاة العظيم ده هو - [00:30:46](#)

رمضان عامل زي يعني يعني زي ما بقول لكم طوق نجا. رمضان اخطر من كده والله. والله اخطر واعظم واجل من هذا لازم نستعد. ما ينفعش نضيع الفرصة دي ما ينفعش نتوهم ان ان الموسم الحصاد - [00:31:04](#)

هو فيه واحد بيحصد بس ؟ ده عقل يعني ممكن تروح لواحد فلاح تقول له انزل احصد بس. هيقول لك يا ابني انا ما زرعتش وما حرزتش وما روتش وما تعهدتش يا اخواننا يا اخواننا قلوبنا تعبانة - [00:31:18](#)

تعبانة نزر الفجأة والتبرج والمواقع والقنوات واللاغاني الاخ الملتزم دلوقتي الهارد ديسك اللي جواه يكفي مصايب بلد ده من نظري الفجأة بس. يا جماعة القلوب الوقتي مليانة. مليانة هموم هتدخل بقلبك ده رمضان كده ازاي ؟ طب اغسله طب لين كده قبل رمضان تلين - [00:31:30](#)

بحيس انك تدخل رمضان وانت ايه وانت فعلا مستعد لرمضان فرصة انه يبقى ضربة قاضية على كل معاصي السر في حياتنا. ولكن لو انت بدأت تسببها من رجب وشعبان يبقى ضربة قاضية بقى في رمضان. فرصة انما هتيجي في رمضان هتقع في معصية - [00:31:50](#)

هتزلع وهتقعد اسبوع محبط. وهتقعد فترة زعلان. انما خلي الكلام ده كله من قبل رمضان. عالج عالج الحاجات دي من قبل رمضان. رمضان فرصة ان احنا اساس ونعلي في رمضان. رمضان فرصة ان احنا يعني لما باسمع حديث النبي عليه الصلاة والسلام حديث العظيم العظيم بتاع النبي عليه الصلاة والسلام. اللي انا باحبه - [00:32:05](#)

تحس ان معناه استعداد لرمضان. استعداد لرمضان. حديس ايه؟ وفتحت اذا كان اول ليلة من رمضان. النبي عليه الصلاة والسلام بيوصف التغيرات الكونية اللي تحصل فيقول ايه وفتحت ابواب الجنة فلا يغلق منها باب. طب مال ده بالاستعداد لرمضان؟ ده النبي بيقول فتحت ابواب - [00:32:25](#)

الجنة يا جماعة ده الكلمة ديت تهيج اشواقنا وتلهب قلوبنا على الاستعداد لرمضان ليه ؟ عشان الجنة لو انا الوقتي انت واحد من سكان القاهرة قلت لك بكرة الصبح هتفتح ابواب بنوك اسكندرية - [00:32:45](#)

فلا يغلق منها باب واللي عايز يدخل ياخذ اي اموال يدخل. بالله عليك هتعمل ايه ؟ قبل ما اكمل الكلمة هتنزل تركب عربيتك وتطير. ليه ؟ عشان ابقى اول واحد واقف على الباب اول ما يتفتح الباب - [00:32:59](#)

ادخل واجيب الكنوز بقى ما هو ده المعنى. هو ده المعنى. فتحت ابواب الجنة بس انا بعيد استفدت ايه؟ شमित ريحتها فتحت ابواب الجنة وانا على بابها. ده لو ابواب بنوك شوفوا هنعمل ايه. ابواب الجنة انا على بابها ادخل اجيب كنوز على كنوز. على كنوز ادخل بقى انهل من كنوز الجنات التمانية - [00:33:10](#)

قل انها الوح واحصد واعبي من كنوزها انما انا بيني وبين ابواب الجنة شوية معاصي السر وشوية معاصي علن ومشاكل قلبية وفتور وبقالي قد ايه شو بقى لي قد ايه ما قمتمش وهصوم اول يوم ولا يومين في رمضان هادوخ وخلاص هتبقى على قد الصيام وتراويح وانا تلت تربع دماغي مش معايا يا جماعة طب ده ده رمضان - [00:33:30](#)

فكرة الاستعداد دي ده ربنا بيقول لك واذن في الناس بالحج يأتوك رجالا يعني على رجليهم وعلى كل ضامر اللي هو يأتينا من كل فج

عميق. قال لك ضامر اللي هو الحصان اللي صاحبه عارف انه هيبجي من الصين لمكة مسلا ده حصان. فقعد يجوعه ويجوعه لحد ما الوسط بتاعه ضم. فده اللي يقدر ينطلق - [00:33:51](#)

مسافات طويلة جدا يعني ايه؟ يعني ربنا بيقول لك اللي هيقطع مسافة طويلة لازم يستعد. هو استعد انه دمر جواده. عشان يقدر يقطع به. دمر جوادك في رمضان رمضان رحلة طويلة. دمري جوادك قبل رمضان. الحق استعد لذلك الشهر العظيم - [00:34:12](#)

يا اخوانا لازم نعرف يعني ايه الاستعداد لرمضان؟ يعني ايه ولو ارادوا الخروج لاعدوا له عدة لاعدوا له عدة ولو ارادوا رمضان لاعدوا له عدة. اللي عايز رمضان لازم يستعد فيه قراءة تانية لا يعد له عدة. عدة يعني ايه؟ الالات - [00:34:30](#)

استعداد بقى بالاسلحة. ما انت داخل معركة. طيب فيه قراءة تانية لاعدوا له عدة. عدة يعني انا مسافر تلاتين يوم لازم اخذ اكل تلاتين يوم. انت دلوقتي معك ذات قلبي - [00:34:48](#)

تلاتين يوم انت دلوقتي بتقدر تقرا قرآن ساعة! انت بتقدر دلوقتي تصلي ساعتين على بعض ساعة نص ساعة انت الوقتي صلاة الجماعة نفسها. او صلاة الفرض نفسها احنا بنفصل بعد قد ايه الخشوع بتاعنا. يا جماعة ده احنا عايزين اصلاحات - [00:34:58](#)

اصلاحات واصلاحات قبل رمضان يا دوبك نلحق ده شهرين ده ده اللي هو الدورة المخففة اللي عايز يستعد بقى يبقى زي السلف. كانوا بيدعوا ربنا ببلاغ رمضان من قبلها بست - [00:35:14](#)

ده موضوع ثاني بعد استعداد السلف بقى. ده اللي عايز يبقى مع الناس دي. انما بتاعنا احنا الغلبة احنا استعداد بنقول قبلها بشهرين بس قبلها بشهرين يعني المراجعات النهائية والا عمركم شفتم طالب. عمركم شفتم طالب بيجي الطالب اه ممكن الطالب بيجي في قبل الامتحان يذاكر قبلها بايام وخلص وينجح - [00:35:24](#)

صح بس عمركم شفتم واحد بيعمل كده وبيطلع من الاوائل؟ لا يمكن. عمركم شفتم واحد بيعمل كده وبيجب تقدير؟ لا يمكن هو ده بالزبط يا اخوانا رمضان عايز تبدأ تستعد بقى تمانية وعشرين شعبان انت حر. بس انت حر ده انت بتنشن بقى على مقبول وخلص. ربنا يجعلنا من المقبولين. فيه ناس تانية اشد بقى - [00:35:45](#)

يعني ايه لا مش في رمضان كمان. العشرة الاواخر. واحد بقى ينشن اكثر الوتر بتاع العشرة الاواخر واحد بقى نشانج اكثر يقول لك ليلة سبعة وعشرين. يا اخوانا ده اخطف واجري باتعامل مع ربنا بمنطق ان ليلة هاعوض بقى تلتمية خمسة وستين ليلة. ازاي يا جماعة - [00:36:02](#)

يا جماعة ده مش رمضان. رمضان اقل من هذا. واعظم من هذا امتى القلوب حضرتك عظم ربنا بقى. والله العظيم هذا الكلام اللي بقوله هيقدر لما القلوب تعظم الجنة. هتعرف يعني ما هو رمضان يساوي الجنة. رمضان يساوي ابواب الجنة كلها. لو القلوب عظمت الدار الاخرة. لو قلوب الامة رجعت ثاني. لو قلوب الشباب رجعت - [00:36:19](#)

ثاني حلمها هو الوصول الى الله والجنة ورضا ربنا. والحسنات وقناطر الحسنات ساعتها فعلها هنبقى ساعتها فعلا يا اخوانا اعرف يعني ايه رمضان؟ انما الوقتي كده هنعرف رمضان ازاي؟ انا عايز اقول لك رمضان لما الامة كانت بتعيشه صح. كان رمضان شكله ايه؟ يعني ايه؟ اه، هتقول لي بقى ان رمضان - [00:36:39](#)

تصرف عين جالوت وانت صرف حطين وانت صرف بدر. لا لا لا انا مش هقول لك رمضان عملنا فيه الحاجات دي. ليه؟ النقطة الحقيقية مش ان انا اقول لك رمضان - [00:36:59](#)

في ايه؟ امال ايه؟ ان انا اقول لك شوال عملنا فيه ايه. طب اشمعنى؟ لان شوال ده انجازات الامة فيه هي سمرة رمضان. فتعرف بقى لما الامة كان رمضان عندها صح كان شوال عندها شكله ايه. ده حتى شوال في صحيح مسلم يعني من الهدي ان يبقى شهر الجواز. السيدة عائشة كانت تزوج يعني - [00:37:09](#)

نسائها في شوال وتقول ان هذا يعني ايه استنانا بالنبي عليه الصلاة والسلام ليه؟ عشان بعد بعد رمضان ده يا جماعة شوال ده المفروض شهر الافراح بقى خلاص. احنا تعبنا واجتهدنا وربنا مش هيخزيننا. بعد شوال ابداء. بعد رمضان ابداء - [00:37:29](#)

بعد رمضان هقول لك ايه معجزات ما بعد رمضان. غزوة حنين كانت في رمضان اللي الحصى النبي عليه الصلاة والسلام رماه.

والحصى راح لعنون وما رحش لعيون المؤمنين. يعني الحسق قاتل معنا. رمضان ده شهر المعجزات. شوال ده شهر المعجزات. بعد رمضان. حصل لنا معجزات. بعد رمضان - [00:37:44](#)

فتوحات القادسية كانت في شوال. بعد رمضان الامة خرجت شكلها ايه؟ الاحزاب اشد غزوة على الاسلام كله كانت في شوال. سبات ما بعد رمضان بطولات ما بعد رمضان حمراء الاسد اللي كانت بعد غزوة احد. اللي المسلمين مقطعين من الجراح وقاموا يقاتلوا مع النبي عليه الصلاة والسلام. كانت بعد رمضان. احد اللي حصل فيها - [00:38:04](#)

تضحيات مهولة من اجل النبي عليه الصلاة والسلام. كانت بعد رمضان غزوة دنو قينقاع اللي المسلمين قاتلوا اليهود عشان حجاب امرأة مسلمة. اللي حصل فيه تعظيم حرمان بقى بعد رمضان. رمضان ببيجي بيحيي القلوب. رمضان ببيجي بمعية ربنا. رمضان ببيجي بالفتوحات والمعجزات والكرامات - [00:38:26](#)

عطاءات من ربنا سبحانه وتعالى. ده بعد رمضان نضيعه ازاي؟ لما بسمع حديس النبي عليه الصلاة والسلام لما قبل غزوة بدر قال للصحابة قوموا الى جنة عرضها السماوات والارض. انا بحس بالاحساس ده في رمضان. واحنا بنقول لكم يا اخوانا وبنقول لنفسنا قبلكم قوموا - [00:38:46](#)

الى جنة عرضها السماوات والارض. انا باقول الكلام ده لنفسي باقوله لكم. وباقول الكلام ده لاخواني الدعاء قبل ما باقوله لكم لان احنا ساعات بنكلم الناس يعني في فرق بين الممسل فلان الفلاني اللي مسل هارون الرشيد وبين هارون الرشيد نفسه. احنا مش عايزين نمسل دين. احنا عايزين نعيش دين. احنا عايزين نتكلم في الدين واللي بيتكلم اول - [00:39:03](#)

كل واحد يطبق واول واحد يعيش المعاني ديت قبل اللي بيسمع. عايزين يا اخوانا نرجع لدين ربنا سبحانه وتعالى ثاني وطوق النجاة جه. والفرصة جت مرة اخرى يعني يعني لما الرؤية بتاعة الاثنين اللي ماتوا آآ رؤيا حديس صحيح عن النبي عليه الصلاة والسلام الاثنين اللي ماتوا من الصحابة واحد منهم - [00:39:23](#)

يعني عبدالرحمن ابن عوف شاف رؤية ان واحد دخل الجنة قبل واحد اللي دخل متأخر ده شهيد. فتعجبوا الرسول عليه الصلاة والسلام قال لهم الم يدرك رمضان بعده؟ ويصوم ده ده ادرك رمضان يا جماعة. يعني رمضان ده لو - [00:39:43](#)

بس ما بين واحد وواحد درجة في الجنة الدرجة في الجنة زي الفرق بين السما والارض يعني رمضان يرفعك زي الفرق بين السما والارض حاجة بسيطة ما هياش حاجة قليلة عايزين نستشعر يعني ايه عظمة رمضان اللي بيستهتر برمضان عامل زي واحد عنده فندق قدام الحرم المكي - [00:39:57](#)

جه في موسم الحج وقفله. يا نهار ابيض! اومال هيكسب امتى؟ هيكسب امتى ده التاكسي عند الحرم في الايام العادية بتلاثة ريال ايام رمضان بميت ريال هو ده فترة المكسب كلها امال هيكسب امتى يا اخوانا عايزين يعني - [00:40:17](#)

نستعد لرمضان. فعلا ولو ارادوا رمضان لاعدوا له عدة. انا مش عايز الوقت يتسحب مننا. لان كان فيه حاجات كتير. انا كنت عايز يعني اكلمكم فيها. ولكن حتى لا صاحب الوقت يعني لان الواحد دايمًا بيحرص بالزات في المواسم الخطيرة اللي بيبقى الناس مش واخدة بالهم منها. زي موسم رجب وشعبان كده - [00:40:31](#)

زي موسم العشرة الاوائل من ذي الحجة كده بس لما ان ربنا احيانا ويجي لنا لهم. فعملنا ورقة بفضل الله يعني اسمها يعني يعني برنامج عملي في رجب وشعبان اللي هي - [00:40:50](#)

ولو ارادوا رمضان لاعدوا له عدة وعملناها معسكرات ما قبل رمضان. يعني الورقة دي يا اخوانا بازن الله سبحانه وتعالى يعني من الورقات اللي يعني الواحد نفسه بازن ان كل واحد في الامة يستفيد منها. ورق فكرتها بسيطة ولكن جميلة. فكرتها هنعمل ايه في رجب وشعبان؟ كلام عملي بقى. كلام عملي هنعمل ايه في رجب وشعب - [00:41:00](#)

هنستعد ازاي؟ الورقة بادنة يعني بحاجات بسيطة بافكار بسيطة. يعني يعني فكرة الحديس النبي عليه الصلاة والسلام ما من ساعة تمر ادم لا يذكر الله تعالى فيها الا حسر عليها يوم القيامة. اذا كنت هتندم على الساعة الندم ده امال هتندم على شهر زي رمضان قد ايه؟ بس رمضان ما هواش عصا سحرية - [00:41:20](#)

لازم وركزت فيها على كلمة ان رجب شهر البزر وشعبان شهر السقيا ورمضان شهر الحصاد. يعني كل ما تريد ان في رمضان يجب ان تزرعه في رجب وشعبان. ده ده المنطق بتاعنا. يعني الورق عبارة عن معسكرات ما قبل رمضان. خلونا زي اهل الكورة - [00:41:40](#) خلونا ازي اهل الكورة في الاستعداد. معسكرات ما قبل رمضان. اول معسكر من المعسكرات اتكلما عنه معسكر الصيام. لازم في رجب وشعبان. لازم نصوم يا اخواننا. لازم نصوم عاملين جدول هتلاقوه برضه على يعني صفحة الفيسبوك بازن الله سبحانه وتعالى. يعني جدول هنعمل خطة كده مع بعض جداول محاسبة ونتابع بعض فيها. انما خلونا في الورقة بتاعة البرنامج العملي - [00:42:00](#) اللي انا بعلن عنها دلوقتي معسكر الصيام ايه معسكر الصيام؟ اكبر سبب لضياع رمضان كل سنة؟ الاجهاد بتاع الصيام. اجهاد الصيام مش متعود عليه طب ما نتعود عليه. عشان ننطلق قبل كده ان شاء الله - [00:42:20](#) اتعود من الوقتي. يا سيدي يوم في الاسبوع اتنين وخميس اللي تقدر عليه. في هزه المواسم العظيمة. بعد كده في معسكر القيام. يعني ايه معسكر القيام؟ معسكر قيام الليل يعني يعني - [00:42:33](#) يعني زي ما قلت لكم ما ينفعش بنبي على الهوا. انا ما باقومش ليل اصلا. لو صليت باربع تجزاء كل ليلة في رمضان. بعد رمضان هيروحوا. انا عايز ولو نص ساعة - [00:42:46](#) كل ليلة في اي وقت من الليل اساس نعلي عليه يا اخوانا. انما ان ما فيش اساس خالص هنعلي على ايه؟ ده ربنا بيقول ومن الليل فتهد به الوجود اللي هو النوم والتهد ازالة النوم. يعني كفاية نوم بقى. كفاية نوم خلاص رمضان قرب اهو. كفاية نوم. بعد كده المعسكر - [00:42:56](#) باقول لكم ولو نص ساعة انا عارف ان يعني فيه ناس بتبص للورق بتاعنا يقول لك ايه ده! انتم عايزين كل ده ازاى! لأ ده كلام عالي. طبق حاجة طبق حاجة انت ممكن بعمل تدخل الفردوس الاعلى. ان ربنا سبحانه وتعالى تقبله. طبق حاجة. انا مش بقول لك كله انما اللي تقدر عليه. معسكر التوبة والاستغفار خطير جدا - [00:43:16](#) يا جماعة رمضان ده فتح. انا هانتظر فتح هادخل بزنبوي دي وصحيفتي دي. انتزر فتحة على ايه؟ لازم ادخل رمضان وانا ما عنديش زنوب تمنعني عن الطاعة. ما عنديش زنوب تمنع فتوحات ربنا سبحانه وتعالى علي. رمضان ده اعظم فتح - [00:43:35](#) يبقى لازم دلوقتي نفكر يعني ايه التوبة والاستغفار؟ يعني ايه ان احنا نستغفر ربنا انها تبقى لازمة على لساننا؟ استغفر الله العظيم واتوب اليه نبدأ بقى نبدأ نفوت بقى نبدأ نستيقظ من معسكرات معسكر الدعاء. يعني ايه معسكر الدعاء؟ الوقت ما بين الاذان والاقامة الكنز ده الخمس كنوز اليومية اللي احنا بنضيعها ده ايه - [00:43:51](#) الوقت المستجاب الدعاء ده وما بين كل اذان واقامة. يعني المفروض انك انت اول ما تسمع الله اكبر تجري على الجامع ليه؟ عشان تلحق لك عشر دقائق من الوقت ده تدعي ربنا سبحانه وتعالى - [00:44:11](#) عشر دقائق مذاكرة وانت في ايام الامتحانات هتفرق معك ايه؟ عشر دقائق تجارة يا اي راجل اعمال بيسمعنا هتفرق معك ايه؟ انما عشر دقائق دعاء هتغير حياتك دنيتك واخرتك. عايزين نستيقظ يا اخوانا معسكر الدعاء. نتدرب من الوقت ده جهاد معسكر ده يعني جهاد - [00:44:21](#) معسكر الصلاة يعني ايه معسكر الصلاة؟ دي اخطر قضية في حياتك. ما ينفعش ان انا اجي اقول هنستعد للصلاة عشان رمضان. انت هتستعد للصلاة دي لانها اخطر عمل انت هتقابل به ربنا. عشان كده دي قضية لا - [00:44:38](#) تتعلق بربنا او غير رمضان ده قضية العمر انا الوقتي بس انا هستغل الفرصة ان انا ابدأ احل مشاكل فيها. يا جماعة نواجه مشاكلنا. بقى معقولة خشوع ضايع في - [00:44:52](#) الصلاة وانا ما باقدمش ولا باخرا! معقولة انا مطعون في اهم عبادة وصلها بيني وبين ربنا. وانا باتناسى وبتغافل وبتجاهل! اومال بتفوق ليه؟ امال هاواجه ايه؟ معسكر الصلاة يعني في الورقة دي كاتبين لكم اسم سلسلة الشيخ مشاري خراز. موجود على كل مواقع النت طبعا اللي هي يعني يعني - [00:45:04](#) لي له سلسلة اللي هي عن الخشوع في الصلاة عن الخشوع في الصلاة. ربع ساعة الحلقة. يعني حاجة وعشرين حلقة ربع ساعة. حاجة

خفيفة. تسمعها كده وكل حلقة تجدد لك معنى من معاني الصلاة. لو عشر تيام - [00:45:24](#)

وعشرين يوم راحوا منك الوقتي في اصلاح خشوعك. مش خسارة انما في رمضان مصيبة. كل فرض من غير خشوع مصيبة. يبقى من الوقت نواجه قضية الخشوع في الصلاة. لما قابل اي شاب بيقول لي انا ما بقدرش اسبت على الصلاة بقول له لانك ما بتصلش صح. لو دقت جمالها مش هتقدر تسيبها - [00:45:39](#)

معسكر التفسير معسكر التفسير ده من اخطر المعسكرات. اللي هو فهم كتاب الله. انا مش عايز ان احنا نخلص التفسير قبل رمضان. يا سيدي نخلص جزء واحد نخلص اللي نقدر عليه. لو انت قرئت تفسير ثلاث ايات كل يوم لحد رمضان. هتخلص لك كم جزء من اي تفسير. اي تفسير موجود في بيتك. احنا تيسيرا عليكم - [00:45:56](#)

عاملين يعني بفضل الله يعني الاخوة عاملين صفحة على الفيسبوك صفحة العد التنازلي لرمضان. العد التنازلي لرمضان اسمها كده صفحة العد التنازلي لرمضان خيانة على الموقع وعلى صفحة الفيسبوك بتاعتي. يعني هتلاقوا الدروس اللي هي بتاعة الطريق يعني دروس التفسير اللي هي يعني الواحد بفضل الله عامل تفسير لكل جزء كده في ساعة - [00:46:16](#)

نبدأ نجد معلوماتنا دكتور محمد علي اللي كان معي المرة اللي فاتت في الحلقة اللي فاتت بتاعة العلمانيون في النزاع الاخير. يعني بدأ يكتب آآ عن كل جزء معلومات بحيس ان احنا نقرب من القرآن - [00:46:36](#)

هينزلها برضه على موقع الطريق الى الله وعلى صفحة الفيسبوك بتاعتي بازن الله اللي هي آآ دكتور حازم شومان اللي هي صفحة الفيسبوك يعني سهل ان يعني اللي اي حد بيدخل على الفيسبوك - [00:46:48](#)

يوصل لها بازن الله سبحانه وتعالى. يا اخوانا نبدأ امسك اي تفسير اقرا كل يوم خمس ايات. من الجزء الثلاثين الموضوع بسيط بس نلقت بس تلقط كده وما نريهم اية الا هي اكبر من اختها. القرآن كله الايات كلها كأنها اخوات. القرآن لو فهمت جزء هتفهم القرآن كله. لو عشت مع سورة - [00:46:58](#)

مع القرآن كله نعيش. في معسكر التشويق لرمضان. يعني ايه ده كنز وكسير من الناس غافلين عنه. يقول لك انا مش حاسس برمضان انا مش بكل بساطة بازن الله اي قضية انت مش حاسس بها هات خمس ست دروس من على النت لها - [00:47:17](#)

بس ادي دروس. درس الشيخ حسان فيها ودرس الشيخ يعقوب فيها ودرس الشيخ ابو اسعق فيها. ودرس الشيخ محمود المصري فيها ابسط واسم هات يا عم خمس ست دروس عن رمضان واسمعيهم - [00:47:34](#)

هتلاقي قلبك اشتعل بالحماس لرمضان. تذكر يا اخوانا الودن ده ايه؟ دي مفتاح للفردوس الاعلى. اسمع اسمع وزكر نفسك قلبك التائب شوقا للمسألة في معسكر اصلاح القلوب ان يعني القلوب بقى اللي مليانة نكت سودا بقى لها حذاشر شهر. مش هينفع ندخل بها كده. هات اي كتاب اصلاح قلوب هات هات - [00:47:44](#)

احنا كاتبين طبعا هذه الاشياء وكاتبين مصادر ممكن نرجع لها في هذه الورقة. في معسكر الدعوة الى الله احنا كم واحد الوقتي بيحب ربنا في مصر؟ ان شاء الله الثمانين مليون. طب كم واحد يطبق الحب ده عمليا بقى؟ كم مليون؟ عشرة لو كل واحد من العشرة مليون دول - [00:48:04](#)

مسك في رجب وشعبان واحد بس. كل واحدة مسكت واحدة وكل واحد مسكت واحد. وتابعه وادى له الشرايط اللي بيسمعه وادا له ورقة زي داهية. وبدأ يتابعه وبدأ ورق على - [00:48:21](#)

هيشتعلى ايمانيا. هتيجي اخر رمضان تلاقيه ملتزم اكثر منك او ملتزم اكثر منك. قلبك هيسجد لله شكرا انك كنت سبب في هداية واحدة من من المسلمين المعسكرات دي يا اخوانا معسكرات خطيرة. رمضان السنة دي خطير. رمضان جاي في عز الصيف. هنختار ايه؟ نههرب من حر الدنيا - [00:48:31](#)

الحر الاخرة والعياز بالله هنختار ايه؟ هنختار ربنا ولا المصايف. رمضان جاي في عز الصيف الوقتي. رمضان جاي في العز هنقضيه في المساجد ولا في المصايف لو كانت دي امتحانات الدنيا اللي جاية في رمضان ما كانش في لو كانت امتحانات الدنيا اللي جاية في المصايف ما كانش حد راح مصيف. طب الوقتي امتحانات الاخرة اللي جاية في المصايف هنعمل ايه - [00:48:51](#)

خطير عشان الانتخبات اللي بعده. عشان ايه يعني؟ عشان كما تكونوا يولى عليكم. لو الامة اتغيرت ايمانيا في رمضان بعد رمضان ربنا اللي هيختار لنا احسن ناس انما لو ما اتغيرناش في رمضان خلاص بقى كما تكون يولى عليكم القضية خطيرة. القضية كبيرة جدا بازن الله. يعني الورقة ديت يعني ورقة البرنامج العملي - [00:49:12](#)

رجب وشعبان يعني يعني يعلم الله والله يا اخوان ربنا ربنا يتقبل يعني. ربنا يتقبل يعني الواحد بيحاول يعني باي طريقة ان يعني ربنا يستعملها ننشر اي فكرة. اي فكرة توصل الناس لربنا سبحانه وتعالى. يعني فكرة الورق فكرة خفيفة وبتوصل لناس كتير بسرعة. الوف الوف الوف مؤلفة. يعني لا - [00:49:33](#)

الورق ده قبل السورة كان بيتحارب قد ايه. يعني لا تدخلوا هذا الورق اللي كنا بنعلن عنه قبل السورة ونقول اتصلوا على ارقام لا تتخيلوا الحرب الشعواء اللي كان بيحارب بها امنيا قد ايه ليه؟ لانهم عارفين ان ده نشر هداية شكله ايه. ونشر هداية سريع. الالف ورقة بكام يعني؟ عشان تجيب لك الف ولا الفين ولا خمسة توزعهم على خمس تلاف - [00:49:53](#)

بني ادم لو خمسمية طبقه تخيل ان سواب ده في ميزانك. لانك انت الداعي الى الخير. وانت كنت واسطة الخير. الورق ده يعني الورقة دي لو ان شاء الله بعد الحلقة موقع الطريق الى الله. طبعا دي ابسط حاجة دا من المحمول بتاعك. بالمحمول هتقوم داخل على انت او اي طبعا يعني الكل عنده دلوقتي نت. يعني الوقت الكل بعد السورة - [00:50:13](#)

الفيسبوك بالزات على موقع الطريق الى الله او على الصفحة بتاعة الفيسبوك آآ بتاعتي اللي هي ديليو ديليو دوت فيسبوك دوت كوم سلاش دكتور حازم شومان يعني لو الصفحة بتاعة الفيسبوك او الموقع بتاع الطريق الى الله. هتلاقوا ان شاء الله الورقة موجودة. و هتلاقوا رقم خيرى اللي هو رقم نشر الهداية. اللي قلناه لكم قبل كده يعني كزا - [00:50:33](#)

وموجود على كل الورق هتلاقوا رقم ناشر اللي دا موجود على الموقع وعلى صفحة الفيسبوك. الرقم ده اللي عايز الف الفين عشر تلاف. يعني بازن الله سبحانه وتعالى فاصل طبعا احنا ما يعني ما فيش مكسب خالص يعني بفضل الله يعني يعني ويا قومي لا اسألکم عليه اجرا اجري الا على الله. يعني ربنا يتقبل بازن الله - [00:50:53](#)

تاخذوا الرقم تطلب اي كمية ان شاء الله توصل لك لحد عندك بازن الله. آآ عايز انت تسحب وتطبع في اي دولة من دول العالم تسحب وتترجم وتترجم لاي لغة من لغات - [00:51:13](#)

العالم بازن الله سبحانه وتعالى بحيس ان احنا نبدأ نقوم فكرة الاستعداد لرمضان. لان رمضان من غير استعداد يا جماعة رمضان عامل زي شحنة عشر تلاف فولت. لو لو اديتها في جسم ميت ولا هيتهمز جسم ميت - [00:51:23](#)

لو واحد داخل رمضان قلبه ميت خلى العشر تلاف فولت ييجوا في قلبه هيحصل ايه؟ انما انا عايز دلوقتي ان الشحنة دي تيجي نقوم قبل رمضان. نجاهد ان الامة دي - [00:51:41](#)

قبل رمضان ان الشباب البنات الامهات الالباء الاطفال من استقلش باي حد. الاعاجم اوروبا امريكا كل مكان في العالم كله نوصل صلوا اي طريقة لنشر ده. يا اخوانا انا الوقتي قلت الدرس ده لكم واحد. يا جماعة مليون! طب المسلمين مليار وربعميت مليون! المليار وتلتمية تسعة وتسعين مليون - [00:51:51](#)

مين مين هيوصل لهم انتم يا جماعة انتم انا خلاص اديت الدرس عملنا الورقة ادينا الدرس انتم بقى خلاص بقت المومة بتاعتكم ان الهداية دي تنتشر بقى بازن الله سبحانه وتعالى على ايديكم للدنيا كلها بازن الله سبحانه وتعالى. يعني دي آآ الورقة اللي هي يعني هتبقى موجودة على الموقع. احنا برضو مساعدة في ان الكلام - [00:52:11](#)

يبقى عملي عملناه دي هتبقى على صفحة الفيسبوك بقى اساسا. هتبقى على صفحة الفيسبوك اساسا ده جدول. يعني هنعمل لكم ان شاء الله كل خمستاشر يوم الجدول ده هيبدا يتدرج واحدة واحدة. يعني دلوقتي الجدول ده بادئ بصلاة الفرائض بس. مع تكبيرة الاحرام في اول الوقت. وربع القرآن كل يوم - [00:52:31](#)

بخشوع وصيام يوم في الاسبوع بس! ايه ده! معلى! وصلاة وتر بس. من قرأ من قام الليل بعشر ايات لم يكتب من الغافلين. انا عايز تصلي بعشر ايات كل ليلة. الفاتحة كم اية؟ سبع ايات وسورة قصيرة. بس سبت الوتر في اي وقت. وخلق كل مرحلة هنعمل له خلق

بر الوالدين وبحيث ان احنا نحسن اخلاقنا قبل رمضان. ومعصية نتطهر منها بحيس ان احنا ما نبقاش عاملين زي اللي جه يوم القيامة بحسنات جبال تهامة ولكن والعياز بالله شوية سيئات اتحطت في كافة السيئات لسافتها وطيارتها. لأ احنا عايزين نخلص

برضو من معصية معصية. اول معصية يعني هنحاول - 00:53:12

نتابع بعض فيها اللي هي الغيبة جدول بسيط جدا وهنتابع مع بعض وعلى الصفحة ان شاء الله تبعوتوا ايه المشكلة اللي قابلتكم. طب

اللي مشي في الجدول ده ايه القضية اللي قابلته طب ايه اللي تعبه طب ايه وبعد خمستاشر - 00:53:32

هنقوم داخلين المرحلة الجاية. المرحلة الجاية مسلا هنزود النوافل الرواتب. اللي بعدها مسلا نزود جلسة الضحى مسلا. اللي بعدها مسلا نزود سماع شرايط مسلا عن رمضان اللي بعدها وهكذا بحيس ان احنا نقدر واحدة واحدة نطلع قبل رمضان خلاص على رمضان

نكون جهزنا. يعني فالجدول ده اللي هو - 00:53:45

خطة مسمينها الخطة الخمسية للاستعداد لرمضان لان احنا هنعمل خمس جداول على خمس مراحل مرحلة مرحلة هتنزل لكم ان شاء

الله. دي على الفيسبوك. انما الورقة اللي نريد ان كل - 00:54:05

كل واحد منا يطبق منها قدر الوسع ولو عمل كلها لو يقدر اتنين لو يقدر على قد ما يقدر وننشرها على قد ما نقدر بازن الله. اللي هي

ورقة ولو ارادوا رمضان - 00:54:15

وعدة او آآ برنامج عملي في رجب وشعبان او معسكرات ما قبل رمضان باذن الله سبحانه وتعالى يعني دي يا اخوانا يعني درس الليلة

كان محاولة لايقاظ قضية انا شايف انها اخطر قضية في السنة. ليه؟ لان رمضان اخطر موسم الكل بيتوب فيه - 00:54:25

طب لما رمضان اخطر موسم يبقى الاستعداد هو اخطر قضية. لان من غير استعداد بلاش نحلم. النبي عليه الصلاة والسلام كان

بيصوم شعبان كله. كان يصوم الا قليلا عليه الصلاة والسلام عشان يعلمنا غير رفع الاعمال في شعبان ان احنا نستعد لرمضان. لان

الصيام ده بالزات بس الاكبر حاجة ممكن تهبط اللي مش متعود - 00:54:45

في رمضان فما يقدرش يعبد. لازم نستعد يا اخوانا. لازم نبقي زي النبي عليه الصلاة والسلام لازم نستعد لرمضان. انا يعني زي ما

باقول لكم كده يعني اكبر سبب لضياح رمضان على - 00:55:05

انا هاقول اللي في قلبهم خير. يعني انا مش هاقول الوقت العاصي اللي بعيد اللي هو ممكن يكون الوقتي اصلا معزم ما بيسمعناش

منهم. انما انا هاقول اللي في قلبه خير. معزم اللي نفسه يفوز بـ رمضان - 00:55:18

معزم سبب ضياح رمضان عليه. ومعزم سبب انه بيخرج من رمضان ما يتغيرش. ومعزم سبب ان هو ما بيقدريش يسبت بعد رمضان

وان كثير من الليالي والايام بتروح ايه معزم السبب والله يا اخوانا انه ما استعديش قبل رمضان - 00:55:28

زي ما اللعيب استعد للمباراة. وزي ما زي الطالب يساعد الامتحانات هنشيل متين وخمسين كيلو في رمضان. الواد احنا بنشيل عشرة

كيلو. هنقدر ازاى مش عارفين نجيب تلت ساعة قرآن لأ نبدأ ندرب نفسنا واحدة واحدة نطلع واحدة واحدة نأخذ من الامر ما استطعنا

انما القضية تبقى حية عندنا عايزين بعد الحلقة بقى نمسك المصاحف ونبدأ - 00:55:42

بقى نقرأ ونبدأ بقى نتشجع. طب انت دلوقتي قلت لنا نطلع واحدة واحدة اه اعمل على قد ما تقدر انما واحدة واحدة ده الحد الادنى.

يعني لمدة خمستاشر يوم ما نقلش عن صلاة الفريضة في ميعادها. ما نقلش عن يوم صيام في الاسبوع. ما نقلش عن ربع القرآن يوميا

بخشوع - 00:56:02

ما نقلش عن ان احنا نوتر قبل ما ننام بازن الله سبحانه وتعالى. يعني ربنا يسدكم جميعا. يعني اخواني واخواتي. اه وربنا يبارك

فيكم جميعا. يعني احنا من اول آآ الليلة. يعني بدأنا سلسلة الطريق الى رمضان - 00:56:18

بدأنا بدرس برنامج عملي في رجب وشعبان. الطريق الى رمضان السلسلة دي هتبقى اساسا استعداد قرآني لرمضان. هنبدأ بقى

نعلى بقى شوية يا جماعة. نبدأ بقى نتكلم في في كتاب - 00:56:34

نبدأ بقى نتكلم في فهم كتاب ربنا. انا باقول لكم معسكر التفسير انا هاساعدكم ان شاء الله واساعد نفسي طبعاً من قبل. في مسألة

معسكر التفسير ده ان احنا كل - 00:56:44

ناخد مجموعة من الايات ونعيش معها او صورة او ايا ما كان. المهم ان احنا نعيش مع كلام ربنا. ان معجزة القرآن تحيي قلوبنا قبل رمضان القرآن كذلك اوحينا اليك روحا من امرنا. الروح بتاعة القرآن دي تبث في قلوبنا تحيا القلوب. عشان ندخل رمضان قلوبنا حية.

يبقى احسن رمضان في - 00:56:54

نواها لريح رمضان. الواحد يجد ريح رمضان دون رجب وشعبان خلاص بقى بدأت نسائم رمضان تهل عايزين ما نضيعش السواب الرهيب بتاع رجب وشعبان والسواب العظيم اللي هينبني ان شاء الله على الاستعداد لهم لان الوقتي الجندي اللي اللي مرابط مع

المسلمين لو - 00:57:14

ومات قبل المعركة الرسول قال لك ينمى عمله الى يوم القيامة. من فوايد الاستعداد لرمضان انك لو استعديت في رجب وشعبان كل يوم بيموت ربع مليون بني ادم. يعني على رمضان شوفوا كم مليون هيموتوا - 00:57:32

انا ما ابقاش منهم ليه ؟ والله اعلم. لو انا استعديت قبل رمضان لو مت قبل رمضان ربنا يجري ليه عمل رمضان ؟ لان انا كده ابعس

على نيتي بازن الله فتبقى - 00:57:43

انك الجندي المرابط اليونان ما عمله باذن الله سبحانه وتعالى بعد موته. يبقى يعني يعني ده سواب عظيم جدا للاستعداد لرمضان.

وسواب عظيم لموسم رجب وشعبان هذه المواسم الفاضلة بدون بدع طبعاً بازن الله سبحانه وتعالى وربنا يسددكم يا اخواني ويا

اخواتي. وربنا يبارك فيكم - 00:57:53

وربنا يحفز عليكم نعمه ويعني نبدأ بقى مرحلة الانطلاق ومرحلة الفتح. ومرحلة الحياة مع القرآن في الفترة القرآنية دي الشهرين دول

بقى. ان شاء الله عشان نبدأ نرتبط ربنا ومع كل درس ومع اي درس تفسير ومع قرائتكم في التفسير ومع قرائتكم في القرآن ندخل

رمضان بقلوب قرآنية. كل واحد منا قرآن يمشي على الارض - 00:58:10

يبقى رمضان بقى الاوفر شوت بتاعنا بقى بازن الله سبحانه وتعالى. اللهم بلغنا رمضان واجعله خير رمضان مر علينا في حياتنا. اللهم

بلغنا رمضان واجعلنا فيه من الفائزين. اللهم بلغنا رمضان واجعله فتحة على قلوب الامة جمعاء يا رب العالمين. اللهم اهد عصاة

المسلمين. اللهم انصر دينك واعز - 00:58:30

اولياءك اللهم اذن لدينك ان يسود واذن لشرعك ان ينتصر. واذن لكتابك ان يحكم. اللهم يا ربنا اهد العصاة. اللهم يا ربنا على مرادك

منا. اللهم لا تجعل في قلوبنا الاك ولا تجعل همنا الا رضاك. ولا تجعل رغبتنا الا اليك ولا تجعل توكلنا الا عليك - 00:58:50

اقول قولي هذا واستغفر الله لي ولكم سبحانك اللهم وبحمدك اشهد ان لا اله الا انت استغفرك واتوب اليك. جزاكم الله خيرا -

00:59:10